

IZVOD IZ ZAPISNIKA

sa Prve konstituirajuće sjednice Komisije za razvoj i unapređenje lokalne samouprave, održane
11. juna 2009. godine u 12,00 sati u prostorijama Saveza općina i gradova

Sjednici su prisustvovali: Miroslav Lucić, Fadil Tatar (zamjena za Emir Bubalo), Mujo Čamdžić (zamjena za Asim Zec), Bakir Mehić (zamjena za Asim Sarajlić) i Ružica Marković

Opravdano odsutni: Ivan Prša, Mehmed Mustabašić, Sejad Pokvić i Ivanka Arapović- Galić

Neopravdano odsutni: Taib Muminović

Sjednici su prisustvovali i: Zlata Turkić i Šejla Hasić (Savez)

Na sjednici je predložen i usvojen sljedeći

DNEVNI RED

1. Konstituisanje Komisije za razvoj i unapređenje lokalne samouprave
2. Izbor predsjednika i zamjenika predsjednika Komisije
3. Razmatranje i usvajanje Prijedloga poslovnika o radu Komisije
4. Informacija o održanom sastanku Koordinacionog tijela za reformu lokalne samouprave u Federalnom ministarstvu pravde
5. Tekuća pitanja

AD 1., AD 2. Zlata Turkić, otvarajući ovu sjednicu, upoznala je prisutne o održanoj Izornoj skupštini Saveza općina i gradova FBIH održanoj u Neumu 16.04.2009. godine na kojoj su izabrani organi i tijela Saveza. U postupku konsitusanja komisija Skupštine Saveza, svi predloženi kandidati potpisali su izjavu o prihvatanju kandidature.

Nakon predstavljanja članova Komisije, izabrani su predsjednik i zamjenik predsjednika Komisije. Za **predsjednika** Komisije jednoglasno je izabran **Miroslav Lucić** (Općina Domaljevac-Šamac), a za **zamjenika predsjednika** jednoglasno je izabrana **Ružica Marković** (Općina Glamoč).

AD3. Jednoglasno je usvojen Prijedlog poslovnika o radu Komisije.

AD 4. Zlata Turkić je izvijestila prisutne o održanom drugom sastanku Koordinacionog tijela za reformu lokalne samouprave koje je formirano od strane Federalnog ministarstva pravde. Napomenula je da ovo tijelo ima zadatak da utvrdi liste zakona i drugih propisa koje je potrebno uskladiti sa Zakonom o principima lokalne samouprave, izradu Akcionog plana za implementaciju Evropske povelje o lokalnoj samoupravi i koordinaciju realizacije Akcionog plana.

Istaknuto je kako implementacija Zakona o principima lokalne samouprave nije na zadovoljavajućem nivou i da je potrebno hitno pristupiti usklađivanju niza zakona i drugih propisa koji su doneseni prije stupanja na snagu Zakona o principima lokalne samouprave sa istim.

Prezentiran je Nacrt Akcionog plana za reformu lokalne samouprave koji sačinjavaju reformski zakoni, nosioci aktivnosti za njihovu izradu i usvajanje, te rokovi za implementaciju. Ovaj nacrt sadrži veliki broj zakona čije je donošenje od velikog značaja za jedinice lokalne samouprave.

Učesnici sastanka su se saglasili da je potrebno formirati 4 podgrupe iz sljedećih oblasti za rad na donošenju zakona:

1. opća uprava i lokalna samouprava
2. imovinsko - pravna pitanja i prostorno uređenje
3. društvene djelatnosti
4. finansije

Nakon rasprave donesen je zaključak da Federalno ministarstvo pravde u što skorije vrijeme ispred Koordinacionog tijela uputi inicijativu prema Vladi Federacije BiH sa ciljem da Vlada imenuje osobe iz resornih ministarstava koje bi bili nosioci aktivnosti za rad na donošenju potrebnih zakona, a ostali članovi Koordinacionog tijela za reformu lokalne samouprave bi uključili svoje predstavnike u naprijed navedene podgrupe.

Prisutni su informisani da su ispred Saveza općina i gradova Federacije BiH u Koordinaciono tijelo imenovani g-din Vlado Alilović, načelnik Općine Vitez i g-din Emir Bubalo, načelnik Općine Konjic, koji će ubuduće biti uključeni u rad ovog veoma bitnog tijela kada je u pitanju lokalna samouprava.

AD 5. U okviru ove tačke dnevnog reda

- a) istaknuta je potreba inteziviranja aktivnosti u vezi sa Prijedlogom zakona o zaposlenicima organima jedinica lokalne samouprave;

Šejla Hasić je izvijestila prisutne o aktivnostima vezanim za Projekat „Sistem obuke za jedinice lokalne samouprave“ i istakla da ovaj projekat implementira UNDP u saradnji sa savezima općina i gradova u BiH, Federalnim ministarstvom pravde, Ministarstvom za lokalnu samoupravu RS-a i agencijama za državnu službu. Cilj Projekta je procjena potreba kao i trenutne ponude u sferi dodatne obuke u jedinicama lokalne samouprave, kao i preporuke za uspostavljanje održivog sistema obuke u BiH. U procjeni učestvuje 40 općina iz BiH, od čega 22 iz Federacije. Ciljna grupa procjene su načelnici, državni službenici i namještenici na poslovima osnovne djelatnosti. U Federaciji su organizovani individualni intervjui sa 11 načelnika, održane su fokus grupe sa 74 rukovodioca srednjeg nivoa i anketirano je oko 780 službenika. Također je izvršeno i istraživanje ponude kao i kvaliteta ponuđene obuke.

Zaključeno je da se o toku realizacije Projekta ova komisija redovno informira.

Sjednica je završena u 13,20 sati.

Zapisnik sačinila: Zlata Turkić

PREDSJEDNIK KOMISIJE
Miroslav Lucić